

गुरु जी पधारिया मेहमान,
आज म्हारे आंगन में ॥

सतगुरु आया आनन्द छाया,
फूला वाली सेज बिचाया,
कंकु का तिलक लगाय,
मौज गणी दर्शन में ।
गुरुजीं पधारिया मेहमान,
आज म्हारे आंगन में ॥

गादी तकिया सेज बिछाउ,
गुरु दाता ने पलंग पोड़ाऊं,
दर्शन करा जी अपार,
प्रेम बसावा हिरदा में ।
गुरुजीं पधारिया मेहमान,
आज म्हारे आंगन में ॥

गुरु महिमा को पार न पावे,
सभी सखियां मंगल गावे,
गूँज रही जय जयकार,
इंदर बरसे सावन में ।
गुरुजीं पधारिया मेहमान,
आज म्हारे आंगन में ॥

गोकुल स्वामी सतगुरु दाता,
दे उपदेश जीव जगाता,
लादूदास दास करे पुकार,
लोहू गुरु चरणा में ।
गुरुजीं पधारिया मेहमान,
आज म्हारे आंगन में ॥

गुरु जी पधारिया मेहमान,
आज म्हारे आंगन में ॥

गायक / प्रेषक
चम्पा लाल प्रजापति जी ।
मालासेरी डूंगरी 89479-15979

Source:

<https://www.bharattemples.com/guruji-padhariya-mehman-aaj-mhare-aangan-me/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>